

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1910160233 որոշումը բեկանելու և վարչական իրավախախտման վերաբերյալ գործը նոր քննության ուղարկելու մասին

«11» 11 2019թ. 14-4-9110

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս վերանայելով «ԱԷՐՈՊՈՐՏ ՍԵՐՎԻՍ» ՍՊ ընկերության տնօրեն Սուրեն Երեմյանի դիմումի (116231-19) քննարկման արդյունքում ստեղծված նյութերը՝

Պ Ա Ր Զ Ե Ց Ի

«ԱԷՐՈՊՈՐՏ ՍԵՐՎԻՍ» ՍՊ ընկերության պատկանող RENAULT մակնիշի 7830C61 համարանիշի տրանսպորտային միջոցի վարորդը 16.09.2019թ. ժամը 14:00-ին Երևան քաղաքում երթևեկել է 72կմ/ժ արագությամբ՝ խախտելով Վարչական իրավախախտումների վերաբերյալ ՀՀ օրենսգրքի 124.4-րդ հոդվածի 1-ին մասի պահանջը, ինչի հետևանքով ընկերության տնօրեն Սուրեն Երեմյանը Ճանապարհային ոստիկանության թիվ 1910160233 որոշմամբ ենթարկվել է վարչական պատասխանատվության, տուգանքի՝ 2000 ՀՀ դրամի չափով:

«ԱԷՐՈՊՈՐՏ ՍԵՐՎԻՍ» ՍՊ ընկերության տնօրեն Սուրեն Երեմյանը ՀՀ Ոստիկանության ճանապարհային ոստիկանություն ներկայացրած գրությամբ հայտնել է, որ վերը նշված թիվ 1910160233 որոշմամբ ամրագրված իրավախախտումը կատարվել է ընկերության աշխատակից Համլետ Վլադիմիրի Աբրահամյանի կողմից և խնդրել այն վերահասցեագրել վերջինիս:

Ուսումնասիրությամբ պարզվել է, որ Համլետ Վլադիմիրի Աբրահամյանը (ՀԾՀ՝ 1507790732, Վ/Վ՝ MH955034, հասցեն՝ Լոռու մ., ք.Վանաձոր, Տարոն 2 ՔՇՀՅ., 84շ., 9բն.) ՌԴ դատարանի վճռով՝ 03.10.2017թ.-ից մինչև 03.04.2019թ.-ը զրկված է եղել տրանսպորտային միջոցներ վարելու իրավունքից, տրանսպորտային միջոցներ վարելու իրավունք կրկին ձեռք չի բերել, ուստի թիվ 1910160233 որոշմամբ արձանագրված խախտումը կատարելու պահին հանդիսացել է տրանսպորտային միջոցներ վարելու իրավունք չունեցող անձ, ինչի համար Վարչական իրավախախտումների վերաբերյալ ՀՀ օրենսգրքի 128-րդ հոդվածի 1-ին մասով սահմանված է տուգանք՝ 20000 ՀՀ դրամի չափով:

Վարչական իրավախախտումների վերաբերյալ ՀՀ օրենսգրքի 35-րդ հոդվածի 2-րդ մասի համաձայն՝ եթե անձը կատարել է մի քանի վարչական իրավախախտումներ, որոնց վերաբերյալ գործերը միաժամանակ քննվում են նույն մարմնի (պաշտոնատար անձի) կողմից, տույժը նշանակվում է առավել լուրջ խախտման համար սահմանված սանկցիայի շրջանակներում:

Հաստատված համարելով այն, որ թիվ 1910160233 որոշմամբ ամրագրված ճանապարհային երթևեկության կանոնի խախտումը կատարվել է Հ.Աբրահամյանի կողմից և խախտումը կատարելիս վերջինս չի ունեցել գործող վարորդական վկայական, թիվ 1910160233 որոշումը ենթակա է բեկանման, իսկ Համլետ Աբրահամյանը՝ Վարչական իրավախախտումների վերաբերյալ ՀՀ օրենսգրքի 35-րդ հոդվածի 2-րդ մասի համաձայն, ենթակա է վարչական պատասխանատվության՝ Վարչական իրավախախտումների վերաբերյալ ՀՀ օրենսգրքի 128-րդ հոդվածի 1-ին մասով սահմանված կարգով:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 286-րդ հոդվածով և 293-րդ հոդվածի 1-ին մասի 2-րդ կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1910160233 որոշումը բեկանել:

2. Գործն ուղարկել ՃՈ ՃՊԾ 2-րդ սպայական գումարտակ՝ Վարչական իրավախախտումների վերաբերյալ ՀՀ օրենսգրքի 128-րդ հոդվածի 1-ին մասով վարույթ իրականացնելու համար:

3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

4. Սույն որոշման օրինակն ուղարկել «ԱԷՐՈՊՈՐՏ ՍԵՐՎԻՍ» ՍՊ ընկերության տնօրեն Սուրեն Երեմյան (հասցեն՝ ք.Երևան, Զ.Սարկավազի փ., 120/1.), ՃՈ ՃՊԾ 2-րդ սպայական գումարտակ և ՏՄՀԽԱ կենտրոն:

Կատարող Ս.Ալեքսանյան



Ե.Կարապետյան